

HIERONYMUS.

E T' Σ E' B I O Σ.

EUSEBIUS.

Michæam Cap. iv. v. 8. nomine *turris gregis nebulosæ*, ut dicatur *turris gregis*, quia erat juxta portam gregis, *nebulosa* verò, quia quod alta esset, difficile esset ad ejus cacumen visu pertingere.

TURRIS FURNORUM, ad Occidentem sita, & ad *Aquilonem portæ vallis*, ut colligi potest à 2 Esdræ iii. v. 11. Cur autem ita dicta sit obscurum est; significat enim vox Hebræo תנורים *thannurim* *furnos coquendo pani destinatos*, an fortè quòd eò relegati essent qui panes familiis coquerent?

TURRIS GREGIS. Vide TURRIS EMATH paulo ante. Fuit & alia TURRIS GREGIS extra Jerusalem juxta Bethlehem. Vide quæ nos suprâ diximus in GADER, & ad Gen. Cap. xxxv. v. 21.

TURRIS HANANEEL, fuit una ex Hierosolymitanis turribus, cujus fit mentio Lib. ii. Esdræ Cap. iii. v. 1. & xii. v. 39. Hierem. xxxi. v. 38. & Zachar. xiv. v. 10. Ea autem rectè ab Adrichomio & Villalpando statuitur juxta angulum Orientis & Aquilonis.

TURRES EXTRA URBEM, nominatæ sunt hæc.

TURRIS GREGIS, Vide paulo ante in TURRIS GREGIS.

TURRIS LIBANI, Cant. vii. v. 4. turris erat, ut meliores auctores censent, à Salomone ædificata juxta extremitatem montis Libani; seu potius Antilibani Orientalem, infra quam erat Damascus non procul inde sita, unde & ipsa prospici poterat: ob id & ibi supra Cant. vii. v. 4. dicitur hæc turris *respicere contra Damascum*. Creditur, autem ibi à Salomone extructa, ut exinde speculatores intueri possent numquid novi motus belli à Damascenis & Syris exoriretur, ut si quid esset, monitus tempore ipse occurreret.

Videtur autem *turris* illa summa arte, proportionem, symmetria constructa fuisse, ut ob id ibi supra Cant. vii. v. 4. *ei sponsæ nasus comparetur*. Potuisse autem ibi Salomonem *turrim* ædificare nihil mirum, cum ipse iis omnibus regionibus imperitaret.

TURRIS PHANUEL, cujus fit mentio Judic. viii. v. 9, & 17. civitati Phanuel trans Jordanem adjuncta erat, ejusdemque civitatis propugnaculum, quam *turrim Gedeon evertit occisis civitatis habitatoribus*, etsi Israëlitarum essent, quod inhumaniter erga ipsum & socios pro libertate Reipublicæ pugnantes se gessissent.

TURRIS SICHEM, cujus fit mentio Judic. ix. v. 46, 47. non erat urbi Sichem conjuncta, sed in ejus territorio, quam igne & fumo expugnavit Abimelech.

TURRIS SYENES, fit mentio Ezech. xxi. v. 10. & 30. quæ videtur ad urbis propugnaculum fuisse excitata: erat enim SYENE urbs Ægypti, sed in Æthiopiæ sita confinio, ut proinde insigni aliqua *arce* vel *turri* adversus Æthiopum irruptiones videri possit indiguisset.

* TYRUS, in tribu Nephthali. Τύρος, πολλῆς Νεφθαλίμ.

TYRUS, tribus Nephthali.

N O T A.

1. In tribu Afer dicendum fuit, ut liquet à Jos. 19. v. 29. etsi totum illum ad mare tractum, in quo Tyrii & Sidonii habitaverunt, nunquam potuerit hæc tribus obtinere. Fuit autem TYRUS Sidoniorum colonia, eademque urbs olim insignis & opulenta, emporiumque nobilissimum; certavitque diu cum Sidone de imperio, opibus, potentia, imò & superavit: nam Scriptura magis Tyrum celebrat: quamquam Homerus Sidonem prædicet, Tyri ne meminerit quidem, ut annotavit Strabo Lib. xvi. at, ut ibidem ait, *extera colonia à Tyro in Africam & Hispaniam deducta, eam plurimum celebraverunt*: concluditque ambas & tunc & antiquitus claras illustresque extitisse, &

etiamnum controversum manere utra earum Phœnicum metropolis dici debeat. Fuit autem Tyrus olim *Insula*, & fiecto circumjacente à continente divulsa, unde à Scriptura dicitur *in corde maris*, hoc est, intra mare sita, ut expugnata esset difficillima: bis tamen ante Christum expugnata fuit, primò quidem à Nabuchodonosor rege Chaldaeorum, deinde verò ab Alexandro Magno, qui ad eam expugnandam jactis in mare aggeribus eam continenti adjunxerunt, & ex insula peninsulam effecerunt, cujusmodi etiamnum cernitur. Vide de TYRO plura Jos. 19. v. 29. & supra in voce SIDON. BONFRERIUS.

V.

VALLIS ACHOR. Vide supra ACHOR, & EMEC ACHOR.

VALLIS ARTIFICUM, videtur esse urbs in tribu Benjamin, cujus nomen Hebraicum גִּי חַרְשִׁים *Gi charaschim*, quod hoc ipsum sonat quod Hieronymus dixit, *Vallem artificum*, 2 Esdræ xi. v. 35. ubi habetur: & *Ono Valle artificum*: quæ verba indicant unam eandemque esse urbem, quæ dicta sit *Ono*, & alio nomine appellata sit *Vallis artificum*: planè enim videtur illud per appositionem dictum; siquidem non loci situs indicatur, aliàs enim fuisset in Hebræo בְּ שֵׁרְבִילֵי אֶרֶץ *servile appositum*, & in versione nostra *in valle* dictum fuisset: neque alia urbs à præcedenti indicatur; aliàs enim fuisset particula copulativa interjecta & *valle*, cum hæc esset omnium urbium postrema, & præcedenti voci *Ono* ea fuerit adjecta. De hujus urbis conditore habes 1 Paral. iv. v. 14. ubi Joab nepos Othoniælis judicis ex fratre dicitur *pater Vallis artificum*, hoc est, conditor; solent enim in Scriptura urbium conditores vocari *patres*: sunt enim urbes & ædificia quasi hominum *partus*, sicut è contra filii velut parentum *ædificatio*: unde & בֶּן *ben* hoc est *filius* à בָּנָה *bana*, quod est *ædificare*, deducitur. ex quibus liquet etiam Vallem artificum *urbis* nomen esse, non enim valles *patres* vel *conditores* habent. Nominis etiam inditi ibidem 1 Paral. iv. v. 14. ratio adfertur, *quia ibi artifices erant*.

VALLIS ARUNDINETI, in terminis communibus tribus Ephraim & Manasse, Jos. xvi. v. 8. & Cap. xvii. v. 9. sic tamen ut vallis ipsa cum agris in sorte dimidiæ tribus Manasse fuerit; urbes tamen Ephraimitis ad habitandum sint datæ.

VALLIS BENEDICTIONIS, in deserto Thecue, ubi Josaphat Cantoribus Dei laudes concidentibus